

JAMHURI YA MUUNGANO WA TANZANIA



WIZARA YA AFYA

TAARIFA KWA UMMA

Katibu Mkuu wa Wizara ya Afya, anawatangazia watumishi walioomba ufadhili wa masomo ya Shahada ya Uzamili kwa mwaka wa masomo 2022/2023 kuwa zoezi la uchaguzi limekamiliika. Jumla ya watumishi **457** wamepata ufadhili ambapo **318** wamechaguliwa kupata ufadhili katika utaratibu wa kawaida na watumishi **139** wamepata ufadhili katika utaratibu mpya wa mafunzo ya kimkakati kwa utaratibu wa seti. Ufadhili huu unatambulika kama **Mpango wa Samia wa kuongeza wataalamu Bingwa na Bobezi wa Afya nchini.**

Ufadhili huu, ni kwa ajili ya malipo ya ada kwa asilimia mia moja kwa chuo husika na posho ya utafiti kwa waliopata ufadhili kwa vyuo vya ndani ya nchi. Kwa wanao fadhiliwa nje ya nchi watalipiwa ada kwa asilimia mia moja ikiwemo posho ya utafiti, nauli pamoja na posho ya kujikimu wakiwa masomoni. Kwa wale walioomba ufadhili maalumu watagharamiwa kama walivyoomba.

Watumishi hawa waliochaguliwa wanatakiwa kuandika barua ya kukubali ufadhili huu pamoja na kujaza mkataba wa makubaliano ya ufadhili (Bonding Agreement) na Wizara. Wizara inasisitiza kuwa haitahusika kugharamia mafunzo ya mtumishi yeyote ambaye hayuko kwenye orodha hii au ambaye yuko kwenye orodha hii lakini hatajaza mkataba wa makubaliano ya ufadhili ndani ya muda uliowekwa. Pia, mtumishi yeyote ambaye atabadili chuo au kozi tofauti na inavyoonekana kwenye taarifa ya

waliofadhiliwa, ufadhili wake utasitishwa na nafasi yake atapewa mtumishi mwingine mwenye sifa.

Aidha, kwa mtumishi yeyote ambaye jina lake lipo kwenye orodha ya waliopata ufadhili huu lakini amepata ufadhili mwingine, anaelekezwa kutoa taarifa hiyo kwa barua kupitia anuani ya Wizara mara baada ya kuona jina lake.

Kila mtumishi aliyepata ufadhili atalazimika kuingia kwenye tovuti ya Wizara ili kupata nakala ya mkataba ambao atatakiwa kujaza nakala tatu katika sehemu zinazomhusu na sehemu ya “First guarantor” atajaza mwajiri wake au yeyote mwenye mamlaka ya kusaini kwa niaba ya mwajiri wake kisha agonge muhuri wa mwajiri. “Guarantor” wa pili anapaswa kuwa mtu yeyote mwenye sifa za kuingia mkataba kwa mujibu sheria za nchi. Mikataba hiyo (nakala tatu) ikikamilika kujazwa itawasilishwa wizarani kwa kuambatishwa na picha 3 (passport size). Kwa vyuo ambavyo ni vya ndani ya nchi na viko nje ya Dodoma wawasilishe Mikataba yao kwenye Ofisi ya Mkurugenzi wa Masomo ya Uzamili (Director of Postgraduate Studies) wa Chuo husika kabla ya tarehe **11/11/2022**. Kwa waliopata ufadhili kwa vyuo vilivyoko nje ya nchi watapaswa kuwasilisha mikataba yao Wizarani.

Nakala ya mkataba wa makubaliano ya Ufadhili (Bonding Agreement) unapatikana kwenye tovuti ya Wizara www.moh.go.tz.

Imetolewa na:

Katibu Mkuu,
Wizara ya Afya,
Mji wa Serikali-Mtumba,
Barabara ya Afya,
S.L.P 743.
40478 DODOMA
28/10/2022